

四庫全書

史部

欽定四庫全書

史部

皇朝通志卷

五十七  
至六十

編修臣錢樾覆勘

總校官編修臣倉聖脉

欽定四庫全書

皇朝通志卷五十七

器服畧

二

儀器

臣等謹按儀器之作所以授時成憲體天運而布  
歲功蓋綦鉅也我

聖祖仁皇帝學貫天人洞達象數既成數理精蘊一書並

考見之書二卷有之三卷之圖者義以名爲士也

鐘勸象臺二侍龍斗三辰斗匱言侍以即高世月

皇朝通志

卷五十七

欽定四庫全書

法

皇上敬

天法

祖集占測之大成示聲教於無外

御製璣衡撫辰儀地球儀以至西法諸器萬里來航莫

不仰承

聖裁折衷而酌用之皆足以佐叅稽供步算而推筭之

法益詳且備蓋自義和命官以來言天者十有三

家精密明當鮮克臻此今據

皇朝禮器圖式自天文測量及鐘表諸器謹載于篇以

彰

聖朝欽若之盛云

欽定天體儀

鑄銅為球以象天體圍一丈八尺兩端中心為南  
北極貫以鋼軸面刻黃赤二道平分十二宮布列  
星漢其外為子午圈週圍各浮天體球五分兩面

刻去極度數東西兩極合成圓孔以受天體之軸  
其下為地平圈週與子午圈同面濶八寸環渠為  
界外刻四象限度及地平時刻方位下施四足承  
以圓座高四尺七寸施螺柱以取平子午正對處  
向西少闕以受子午圈半入地平下半出地平上  
自天頂設高弧帶地平遊表以察諸曜地平經緯  
度以時盤定于子午圈設遊表于北極樞令自轉  
以定日度又能隨天體旋轉以指時座下設機輪

使北極能高下蓋渾天之全象而諸儀之用所統宗也

欽定黃道經緯儀

鑄銅為之凡三重四圈其外正立為子午圈徑六尺一寸規面厚一寸三分側面寬二寸五分兩面皆刻去極度數以

京師為準兩極側面各貫鋼軸以半圓合而固之次內為過極至圈外徑五尺五寸規面寬二寸五分

側面厚一寸三分兩面亦刻去極度數貫于南北赤道極之兩軸象天左旋又從南北赤道極各距二十三度三十一分三十秒定黃道極去極九十九度橫置黃道緯圈與過極圈交徑及寬厚亦同陷其中以相入四面皆刻黃道經度象七政右旋又從黃道南北兩極貫黃道經圈外徑五尺一寸四分規面寬九分側面厚二寸三分四面皆刻黃道緯度象黃道四遊兩極施直軸徑一寸中半施橫



表長三寸于緯圈上加遊表對直軸以測黃道經度於經圈上設遊表對橫表以測黃道緯度下為半圓雲座升龍二承之

欽定赤道經緯儀

鑄銅為之凡二重三圈蓋會三辰于六合而又省一地平圈也其外正立為子午圈制與黃道經緯儀子午圈同距兩極各九十度橫置赤道經圈與子午圈交陷其中以相入外徑五尺九寸規面寬

二寸五分側面厚一寸三分內規面及上側面鐫  
晝夜時刻外規面及下側面鐫周天度分南極旁  
承以兩象限弧又從南北兩極貫赤道緯圈外徑  
五尺六寸規側面寬厚與經圈同四面刻赤道緯  
度內為通軸設橫表遊表俱與黃道經緯儀同下  
為半圓雲座升龍承之

欽定地平經儀

鑄銅為之平置地平圈徑六尺二寸寬二寸四分

厚一寸二分上面側面皆刻四象限度上面自南  
北起初度側面自東西起初度以立龍四承之圈  
下立柱其高相等適當圈心上出圓軸圈上東西  
二龍柱結橫梁中穿孔為天頂與圈心對施立軸  
長四尺四寸上應天頂下應地心表末結十字橫  
表與圈相切尺寸與圈徑同立軸頂左右結二線  
斜貫橫表兩端成兩三角形旋轉橫表令三線與  
所測參直視表所指以測各曜之地平經度

欽定象限儀

鑄銅為之亦名地平緯儀為全圓四分之一其制  
直角為心兩方皆為半徑各長六尺寬二寸一分  
厚一寸一分圓為弧寬二寸六分厚一寸一分正  
面鐫九十度分外規面鐫度數字其數自上而下  
以紀地平高度自下而上以紀距天頂度聯以雲  
龍東西立柱縱八尺八寸上下梁橫七尺八寸飾  
以雲龍梁中各穿圓孔以受立軸軸與儀之立半

徑平行長九尺七寸寬二寸一分厚一寸七分束  
西運之直角施橫軸長二寸一分軸本加遊表寬  
二寸一分厚二分有奇長與半徑等遊表未設立  
耳以測地平緯度

### 欽定紀限儀

鑄銅為之亦名矩度儀其制一弧一幹弧為圓周  
六分之一通六尺面寬二寸五分從中線起左右  
各列三十度幹為圓之半徑長亦六尺末有柄以

便運旋上端為圓心設立柱加遊表長與幹同遊  
表末設立耳為測一曜之用弧背左右各設窺表  
為另測一曜之用又於幹兩旁設立柱相距應弧  
背之十度以為借測之用儀面聯以流雲背以樞  
低昂之承以半圓有齒立軸旁加小輪可使平測  
其下立柱入於儀座以左右之座高四尺寬三尺  
繞以立龍

欽定地平經緯儀

鑄銅為之其制平置地平圈徑五尺寬七寸七分  
周圍鐫四象限度下設四柱圓座承之東西立柱  
高一丈一尺上結曲梁中為立軸下端貫以圈心  
螺柱上端以梁中圓孔受之中加象限儀直角在  
下半徑六尺寬二寸七分正面列九十度分中聯  
方圓及弧矢形背結於立軸以運之直角施遊表  
長八尺本設橫耳末設橫柱以備仰窺凡測諸曜  
旋象限儀以遊表低昂合之令與諸曜參直其橫

半徑所指即地平經度遊表所指即地平緯度

御製簡平儀

鑄銅為之徑一尺凡上下二重各分天地盤上地盤外列周歲十二月及餘分內列日分中心為北極東西弧界為北地平天盤外列朔策內列赤道十二宮三百六十度更內列二十四節氣中為赤道北恒星斜帶為春分後半周黃道度下所列亦如之為南地平為赤道南恒星為秋分後半周黃



道度上盤向北視故皆左旋而月數節氣右旋下  
盤向南視故皆右旋而月數節氣左旋下盤連地  
平為橢形盤當天盤之半橫列節氣線十二道縱  
列日出入五更攢點線八道以上盤宮度對日分  
求交節之日知閏月以遊表加太陽黃道經度轉  
天盤與地平交知日出入時刻以太陽赤道經度  
對時刻視午正則知中星以午正之星驗太陽赤  
道經度知星中之候以日加時視遊表所指知月

之方位以表加節氣與日出入更線之交知五更時刻地盤近下橫鵠康熙二十年

御製

御製三辰簡平地平合璧儀

鑄白金如圓形正方徑七寸九分上下啟之凡六重第一重為三辰公晷外盤列十二時初正二十四節內遊盤列十二時初正三十日及恒星皆注星名等次第第二重為日行時刻度分下列度數上

以遊盤晷之測時旋轉使當其空處第三重為指南針盤上帶遊表環以地平方向第四重為地平儀外列九十度中施指南針上帶遊表內畫矩度第五重為簡平儀地盤外為赤道列十二時初正中心為北極內橢圓心為天頂圓線為經圈徑線為緯圈天盤小圓為黃道列十二宮上帶遊表第六重為象限儀弧線為圓度弧內外方線為矩度以合諸儀之用各如其法地平儀面鐫

大清康熙癸酉清和月

御製

御製地平半圓日晷儀

鑄銅為之凡二重地平盤長四寸三分濶三寸五分中施指南針外畫時刻線正北當午正正西外正正東酉正後直立方盤上加半圓通徑中為中心兩旁各為半徑半徑上穿孔地平中心線入之視線影以知時刻半圓中心施遊表表兩端立耳

穿中線對太陽驗遊表與通徑距度以準太陽高  
弧

御製星晷儀

鑄銅為之凡二重有柄地盤徑四寸二分列十二  
時初正天盤徑三寸三分列二十四節氣上帶直  
表兩端書帝星勾陳以中心隆線當孔中轉天盤  
直表兩端當兩星使相參直視節氣對時分以知  
時刻下盤外列夜刻內橫為節氣線縱為更線按

節氣以定每更時刻儀面圓錫康熙五十三年製  
柄錫康熙

御製

御製四遊表半圓儀

鑄銅為之為測量之器通徑二尺四寸線長二尺  
作二千分其半為圓心施立耳能旋又施遊表二  
各長一尺二寸作一千二百分表端各有立耳半  
周外一百八十度為心角度通徑線兩端各施遊

表表兩端各有立耳面穿線有比例弧以指分數  
內圓線二界每界十重列邊角度表中心各有小  
半圓通徑七寸五分以取邊角半周一百八十度  
其圓心又施小遊表各一長四寸五分取每度斜  
線之長作二十分與斜線相交成二十格自邊角  
中心取半圓為心角度之半左邊角度畫於圓線  
內界右邊角度畫於外界測量法以兩遊表相距  
度為所測之角量算法三角俱銳者以通徑二千

分與所知一邊為比例以邊角度施所測之二角  
使邊遊表相交成三角形察其交處距角若干分  
仍以所知比例如一角鈍者以半徑一千分為比  
一心角一邊角施之法如前如兩邊夾一角者以  
中兩遊表之度施之各按二邊丈尺察兩遊表分  
數以邊遊表之分數比量之承以直柱下岐三足  
半圓中鐫康熙

御製



御製矩度象限儀

鑄銅為之半徑五寸四分象限之周九十度內畫  
方矩縱橫各九十分兩半徑線末立耳為定表圓  
心施遊表二相連其末各有立耳下帶弧一段作  
六十分當外周三十度半以比例分秒圓中亦有  
立耳旋之與四立耳皆相對遊表直邊與方矩之  
分等四表間弧度數為矩度比例之分外有銅三  
角稜施隆線以取平直承以直柱三足能升降儀

面鐫康熙

御製

御製方矩象限儀

鑄銅為之半徑八寸五分象限之周九十度圓線  
十重以斜線相交成十格象限外畫方矩線斜直  
相交亦成十格象限內亦畫方矩線平半矩施立  
耳為定表圓心施遊表表兩端有立耳中為指南  
針盤前施二隆線測量法以遊表直邊指度數兩

表相距度分為所測之角承以銅軸攢木為三足  
能升降儀面鐫康熙

御製

御製璣衡撫辰儀

鑄銅為之徑六尺其外即古六合儀而不用地平  
圈正立子午雙環為天經兩面鐫去極度數以雲  
座承之北極出地度天頂距度以

京師為準距兩極九十度結赤道單環為天緯兩面

鐫畫夜時刻兩龍柱挾之次內即古之三辰儀而不用黃道圈兩極綰赤道經度雙環兩面刻去極度數中腰結遊旋赤道兩面刻周天度分以象七政運行最內即古之四遊儀通徑設直距中心施窺衡以測七政經緯座施螺柱以取平天頂施墜線以取正較赤道經緯儀而加精焉

御製地球儀

規木為球以象地體圍四尺五寸兩端中心為南

北極貫以銅軸腰帶赤道斜帶黃道平分三十六  
分每分占十度布列中國及蒙古準回諸部落海  
外諸國靡不咸具外正立為子午圈面刻三百六  
十度座面為地平圈列地平度外列十二時九十  
六刻皆鑄銅為之承以圓座高二尺四寸七分北  
極上加時盤以

京師為準旋之知各處時刻及日出入

渾天合七政儀

鑄銅為之徑一尺二寸高一尺三寸五分凡三重  
外二環平者為地平圈上列西洋書十二宮十二  
月立者為子午圈子午圈上天頂垂銅葉為地平  
高弧北小圈為時刻盤次內五環兩軸為南北極  
貫二極為二至經圈腰帶赤道斜帶黃道黃赤道  
交處為二分相距最遠處為二至二極軸上小圈  
為負黃極圈其最內平面圓環為黃道十二宮中  
心為日體圓邊為地球對地球立表以指日行宮

度日與地各為盤地盤有月體日盤有金水二星  
體日外大盤有火木土三星體皆以機旋之月旋  
以地為心五星旋以日為心座面旁施指南針以  
測太陽緯度及出入地平時刻方位

七政儀

鑄銅為之徑一尺六寸五分高二尺五寸凡二重  
外重平圈為黃道列周歲十二月周天十二宮斜  
圈為赤道十字圈為赤道子午卯酉經圈內重為

七政盤列十二宮與黃道左右相應中心為日體  
最近日為水星次金星次月與地次火星次木星  
最遠土星木星旁四小星土星旁五小星土星上  
圓環平之則星正圓側之則星長圓日體旁為瓶  
置燈以取日影對日處映以玻璃盤內皆有機輪  
其旁以小盤之軸挈諸輪轉之承以半圓十字下  
歧三足座心設指南針十二宮上施遊表表轉一  
周為一日視諸體之旋轉以測七政晝夜隱見之



象

三辰儀

鑄銅為之通高二尺一寸凡二重四圈正立為子  
午圈列周天度數上應天頂下應地心兩軸為南  
北極與子午圈十字交而常定不動者為天常赤  
道圈列晝夜時刻天常圈內層為遊旋赤道圈列  
十二宮以南北極為樞而東西旋轉者為過極遊  
圈座心表末與天頂地心相對後施指南針前施

墜線表四足施螺旋以中腰表耳測赤道經度以對南北極直距中窺衡測赤道緯度以遊表加遊旋赤道上升時刻

萬壽天常儀

鑄銅為之通高一尺一寸制與三辰儀同座心穿孔對天頂垂線用與三辰儀表末同中腰兩表耳一實一虛綰遊旋赤道實者穿中縫虛者留中線用與三辰儀窺衡同以遊表加遊旋赤道上升視遊

表末所指用與三辰儀表耳同

地平赤道公晷儀

鑄銅為之徑七寸八分地平盤分內外外方盤施  
露管二螺柱四內圓盤列地平三百六十度施指  
南針中帶銅弧弧上九十度赤道環在圓盤北銅  
弧入之以定各處北極高度環面施大遊表表近  
上加立表中有直線環上端小圓盤內有小遊表  
及半環環上穿小孔以大遊表對日影從小孔透

立表中線視大遊表下端所指知時刻小遊表所指知分數

地平經緯赤道公晷儀

鑄銅為之通高一尺地平盤分內外外盤畫子午線三角植螺柱內盤列地平三百六十度施指南針縱橫置露管盤上正立為赤道經圈上環中線為天頂斜倚為赤道中施直表列節氣宮度表中縫加遊表上穿孔使透日光經圈上平赤道施兩

表耳測日影內盤九十度線與外盤子午線準以赤道經圈按度對天頂以遊表小孔對節氣日數視日影所臨知時刻以赤道經圈對日上下轉之日影從上表耳孔透下表耳之兩點視赤道距天頂度與九十度相減知太陽距地平高度視內盤距子午線度知太陽距午正東西偏度以外盤分數線與度數線對知時刻

八角立表赤道公晷儀

鑄銅為之地平盤長二寸二分濶一寸八分前施指南針後為赤道盤橫軸上下之盤周畫時刻線正北當午正西南起寅正東南止戌正盤上施日影表以指北極右帶高弧表角與弧皆高六十度驗影以知時刻

方赤道地平公晷儀

鑄銅為之地平四寸二分中施指南針後為赤道盤外方內圓兩面畫時刻線正北當午正西南

起卯初東南止酉初盤底有機上下之地平右施  
螺旋表環列度數以表指之赤道盤中施直表指  
南北極春分後向北秋分後向南驗表影以知時  
刻

遊動地平公晷儀

鑄銅為之圓座徑二寸一分高一寸八分內遊環  
三層繫日晷地平盤於三層環內中施指南針周  
圍時刻線三層依北極高三十度四十度五十度

北有弧表畫線亦如之自地平中心出斜線對弧表線以指北極視線影以知時刻為舟行測驗之器

提環赤道公晷儀

鑄銅為之外環為子午圈徑七寸二分內環為赤道上環為天頂赤道北九十度為北極其對為南極中施直表列節氣宮度及距緯度表中縫施遊表上穿孔以透日光以上環對子午圈度數以遊



表孔對節氣日數手提上環旋直表使影入赤道  
內視所臨以知時刻

赤道地平合璧日晷儀

鑄銅為之長一尺三寸濶八寸六分前為地平盤  
列二十四節氣圓盤加直表其上按節氣進退以  
就日行黃道度外橢圓形列時刻西起卯正東盡  
酉正後為赤道盤內列時刻西起寅初東盡亥初  
外列周天度中施斜表表下施隆線以指北極高

度承以半圓以輪齒低昂之兩盤相合定南北視表影以知時刻

定南針指時刻日晷儀

鑄銅為之地平盤長一尺三寸五分濶一尺一寸一分中為指南針外畫時刻線七重第一重為二分第七重為二至以次順逆數之線各分十二時初正兩端立表耳中線對日兩耳影相對驗指南針所指以知時刻

日月晷儀

象牙為之凡二重下為日晷地平長二寸濶一寸  
四分中施指南針外畫時刻線啟其上直立之以  
地平中心線縮小孔內視線影以知時刻上為月  
晷赤道盤上列三十日從正北起中心置時刻遊  
盤列十二時午正初刻上出表末以指日數中施  
遊表表端立環對月表末指時以上重左銅鉤按  
下重側面北極高度指定立環內不見月光視表

末以知時刻

圓盤日月星晷儀

鑄銅為之圓盤徑四寸一分下有柄上為日晷兩  
立耳相距二寸四分各穿孔以透日光兩旁直線  
為時刻線之起止中為半圓其半為北極畫節氣  
線十九道當北極為二分線間二線為一中氣往  
來數之左盡夏至右盡冬至一線占一旬自北極  
上橫分六十度為北極高度下分十二時右起丑

未初左盡子午正中施遊表以表末對北極高度  
及節氣線表末施隆線穿小珠對太陽所躔宮度  
使兩耳孔日光正對驗珠影以知時刻背為月晷  
星晷外分三百六十六日內分十二宮中心第一  
重圓盤徑二寸二分外分十二時初正午正出直  
表以指太陽內分三十日自直表起朔第二重圓  
盤徑一寸七分周穿圓孔中出直表表所指之日  
數圓孔下驗晦朔弦望自第一重對太陽宮度表

起午正數之至第二重指日數表所指以知時刻  
第三重施直表出圓盤外表心及末皆穿圓孔以  
表心孔窺勾陳大星以表末孔窺天樞天璇使相  
參直亦如月晷數法以知時刻

方月晷儀

鑄銅為之徑五寸五分上下二盤下盤外重列十  
二時次內初正各四刻次內刻各十五分上盤外  
重列三百六十度內二重列三十日空度起朔為

日月同度朔後月距日漸遠至九十度為上弦倍  
之為望三倍之為下弦周復為朔為一月與日一  
會朔弦望相距各七日半中心施遊表以遊表中  
線對上盤日數若干度轉上盤朔上表末使表對  
月立環內無影視表末所指以知時刻儀面鐫乾  
隆甲子年製

看朔望入交儀

鑄銅為橫尺兩端木座如几形橫一尺八寸縱七

寸八分凡三重下為黃道中為白道各十五度三十分上為時刻表左右直距以白道距黃道南北緯度為準正中為黃道位日食以日體月食以地影加黃道上月體加白道上皆按度分以其相掩知入交為日月食以相掩之分知食之淺深以時刻表中心對白道表端施直表對月行距日度視所指知食之時刻

六合驗時儀



鑄銅為兩球下球徑六分有奇重二十四銖上球減十之二貫以鋼鏈長四寸六分有奇近上三之一為兩軸橫梁承之前後亦為橫梁前梁下鍵以銅葉一往一還為一秒七秒為五里候凡發聲時撥之使動驗秒數以知聲之遠近

四定表全圓儀

鑄銅為之通徑一尺全周三百六十度中施指南針圓線十層以斜線相交成十格分四象限通徑

線兩端各施立耳為定表中心設旋圓盤其通徑  
線兩端施立耳為遊表表兩端直邊對立耳中線  
以指度數以定表遊表相距度分為所測之角平  
測立測惟所宜

矩度全圓儀

鑄銅為之通徑六寸全周三百六十度分半周通  
徑線兩端各施立耳為定表中心施遊表表中線  
兩端加立耳立耳中線與遊表中線對上施指南

針前施墜線表端銳處指度數以兩表相距度分  
為所測之角圓內下半周矩度縱橫各六十分為  
勾股比例之用平測立測惟所宜

小花全圓儀

鑄銅為之通徑二寸施定表遊表指南針與矩度  
全圓儀同以中圓花隙銳處對遊表立耳指度數  
平測立測惟所宜

四遊千里鏡半圓儀

鑄銅為之通徑一尺三寸五分半周一百八十度  
外圓線三重內層十二重每度末斜線與圓線相  
交成十二格通徑線兩端立耳為定表其半圓心  
施遊表表兩端有立耳表端中線以指外重度分  
立耳方孔中線以指內重度分立耳內施墜線表  
心施指南針圓盤外兩柱承千里鏡以兩軸左右  
上下之以遊表定表相距度為所測之角座三足  
能升降平測立測惟所宜

雙半圓儀

鑄銅為之平置直尺長一尺內開空槽束以銅如帶鉗施輪軸使遊動兩半圓通徑皆三寸一加尺端一綰槽內半周一百八十度內畫半方矩縱橫皆十二分圓心各有立耳又施遊表長與直尺等表端各有立耳圓心立耳旋之與直尺對則為定表之用與遊表立耳對則為遊表之用後施隆線測量法以定表遊表之距度為所測之角量算法

以所知一邊與直尺為比例兩半圓進退施之按  
度分以定所測之二角兩遊表相交成三角形承  
以直柱三足能升降平測立測惟所宜

雙遊表半圓儀

鑄銅為之通徑四寸八分半周一百八十度圓心  
施遊表二其長皆為一百五十分其端各有立耳  
開中線與遊表中線對圓心亦有立耳旋之與遊  
表中線參直遊表上各帶掐表一中心與遊表中

線對共綰一直表長與二遊表共度等一端當插  
表中心一端隨遊表開闔中施指南針後施墜線  
測量法以兩遊表相距度分為所測之角量算法  
兩邊夾一角者以所知之邊角按度分安定成三  
角形承以直柱三足能升降平測立測惟所宜  
雙千里鏡象限儀

鑄銅為之半徑一尺四寸五分象限之周九十度  
圓線十重以斜線相交成十格平半徑千里鏡為

定表平中心千里鏡為遊表下為半圓縱橫設兩輪低昂之測量法以兩表相距度分為所測之角承以直柱三足平測立測惟所宜

測太陽高度象限儀

鑄銅為之半徑一尺二分象限之周九十度圓線十重以斜線相交成十格平半徑兩端各有立耳上立耳中線穿小孔下立耳中線為空圈內交十字半徑旁施指南針午正日光從小孔透十字心



與表耳參直圓心施隆線於方銅管內以護風由  
管末玻璃中視隆線距日光線知太陽距天頂之  
度以時刻儀驗準對太陽測之知太陽隨時高度  
易隆線為遊表兩立耳皆如定表法與所測參直  
以二表距度為所測之角承以直柱三足能升降  
平測立測惟所宜

測高弧象限儀

鑄銅為之半徑一尺七分象限之周九十度圓線十

五層以斜線相交成十五格兩半徑線末各施立耳為定表中圓柱四面穿直孔旋之使孔中線與立耳中線相對以受日光圓心施銅墜線表穿長孔有比例分以指分數座中施指南針以墜線距定表度為太陽距天頂度承以直柱有輪能升降測礮象限儀

鑄銅為之用兩象限周皆九十度中為初度左右各四十五度圓心皆施墜線當初度以取平座上

為橫方柱一加柱端一倚柱旁用時置礮上以柱  
旁隆線所指合礮末所起之度柱中空左右各四  
十五度中施遊表穿小孔對礮末所起之度於孔  
內視礮之星斗

地平方位儀

木質螺鈿飾徑二寸三分中施指南針周列十二  
辰八方列八卦內周施遊盤盤面分十二宮對立  
直表其長兩相等先定于午線轉銅環令表與所

測之處參直距正午東西若干度為地平偏度以分界知其所屬方位

圭表

舊製觀象臺下設晷影堂南北平置銅圭於石臺長一丈六尺二寸濶二尺七寸周以水渠南端植銅表高八尺上設橫梁用影符以取中景

本朝加表二尺上端施銅葉中穿圓孔徑二分午正日影自圓孔透圭面成橢形南界為日體上景北

界為日體下景中心為中景

京師夏至景二尺九寸四分八釐冬至景一丈九尺九寸四分以次贏縮北端設立圭高三尺五寸冬至景上立圭二尺七寸四釐

日影表

木質立表高八寸上施墜線平表長二尺七寸中銜銅尺三角施螺柱以指南針盤九十度對表候影正時自立表下量之視影之長短以定節氣時

刻

壺漏

播水壺三形方上曰日天壺即宋之求壺面濶一尺九寸底濶一尺三寸高一尺七寸水欲常滿次日夜天壺即宋之複壺又次曰平水壺高濶遞減一寸層累而下承以朱座有亭覆之亭座通高一丈八尺四寸分水壺一形方即宋之廢壺高濶如平水壺在平水壺下少後受水壺一形圓曰萬水

壺即宋之建壺徑一尺四寸高三尺一寸在座前  
地平上壺皆有蓋播水三壺前近下皆為龍口玉  
滴以次漏於受水壺平水壺後近上穿孔洩於分  
水壺以均水平漏受水壺上為銅人抱箭長三尺  
一寸鎬兩晝夜時刻上起午正下盡午初壺中安  
箭舟如銅鼓形水長舟浮則箭上出水盈箭盡則  
洩之於池壺面俱鎬

大清乾隆年製平水壺面鎬

御製銘後款識乾隆歲在乙丑孟夏之月

御銘

自鳴鐘

鑄金為之中承以柱下為方匱面設表盤均十二  
分上起子午正右旋一日再周以短針指時長針  
指刻起丑未初鐘一鳴盡子午正十二鳴其初正  
自一鳴至四鳴各四刻匱內藏鋼輪三重中為大  
輪四軸上間小輪三聯之以旋時刻針左為大輪



三軸上間小輪二聯之旁大輪一綰擊具以擊鐘  
知時右亦如之以擊鐘知刻三重皆施隆線擊具  
皆有銅片為作止之限表盤徑二尺一寸五分  
以玻璃匱木質髹漆繪金花文四隅皆有柱中為  
周闌髹以金縱距四尺七寸橫五尺七寸五分通  
高一丈六尺六寸

時辰表

鑄金為之形圓盤徑一寸五分二釐均分時刻以

針指之內施輪齒皆如自鳴鐘之法具體而微盛以金合當盤面處空之合徑一寸五分二釐通厚八分周飾雜寶金索三行三就間鏤花文

攝光千里鏡

筒長一尺三分接銅管二寸六分鏡凡四重管端小孔內施顯微鏡相接處施玻瓈鏡皆凸向外筒中施大銅鏡凹向外以攝影鏡心有小圓孔近筒端施小銅鏡凹向內周隙通光注之大鏡而納其

影筒外為銅鉗螺旋貫入進退之以為視遠之用  
承以直柱三足高一尺一寸五分

皇朝通志卷五十七

欽定四庫全書

皇朝通志卷五十八

器服畧 三

冠服

臣等謹按禮之大者昭名分辨等威莫備乎冠服  
自虞廷觀象文明漸啟夏收殷呬損益不同所以  
成一代之制度而垂法守也我

朝冠服之制夏涼冬煖各因其時而品節燦然觀瞻

有秩蓋

列聖相承準宜增定美矣備矣

皇上慎守

成憲治協垂裳萬國衣冠會歸有極洵乎放之四海而大  
同昭茲來許而弗替者也茲輯器服畧恭載

皇帝冠服朝珠佩帶下至品官軍民無不備具各有等  
差并附以雨冠雨衣及行營冠服咸著于篇皆據  
皇朝禮器圖式以類叙次於以彰我

國家服物采章之盛如

御製序所云以綿

國祚承

天祐於鑠哉

世德作求永永無數焉爾

皇帝朝冠

冬用薰貂黑狐惟其時上綴朱緯頂三層貫東珠  
各一皆承以金龍各四飾東珠如其數上銜大珍

珠一夏織玉草或藤絲竹絲為之緣石青片金二層裏用紅片金或紅紗上綴朱緯前綴金佛飾東珠十五後綴舍林飾東珠七頂制同

皇帝吉服冠

冬用海龍薰貂紫貂惟其時上綴朱緯頂滿花金座上銜大珍珠一夏織玉草或藤絲竹絲為之紅紗綢裏石青片金緣上綴朱緯頂制同

皇帝常服冠



冬夏皆紅絨結頂餘俱如吉服冠

皇帝端罩

以黑狐及紫貂為之明黃緞裏左右垂帶各二下  
廣而銳色與裏同

皇帝袞服

色用石青棉袷紗裏惟其時繡五爪正面金龍四  
團兩肩前後各一其章左日右月前後萬壽篆文  
間以五色雲

皇帝朝服

色用明黃惟祀

天用藍

朝日用紅

夕月用月白紗裘單袷惟其時披領及袖俱石青片金  
緣冬加海龍緣繡文兩肩前後正龍各一耍惟行  
龍五祗正龍一褰積前後團龍各九裳正龍二行  
龍四披領行龍二袖端正龍各一列十二章日月

星辰山龍華蟲黼黻在衣宗彝藻火粉米在裳間  
以五色雲下幅八寶平水十一月朔至上元披領  
及裳俱表以紫貂袖端薰貂繡文兩肩前後正龍  
各一襞積行龍六列十二章俱在衣間以五色雲  
皇帝龍袍

色用明黃棉袷紗表惟其時領袖俱石青片金緣  
繡文金龍九列十二章間以五色雲領前後正龍  
各一左右及交襟處行龍各一袖端正龍各一下

幅八寶立水裾左右開

皇帝常服褂

色用石青花文隨所御棉袷紗裘惟其時

皇帝常服袍

色及花文隨所御裾左右開棉袷紗裘惟其時

皇帝朝珠

朝珠用東珠一百有八佛頭記念背雲大小墜雜

飾各從其宜大典禮御之惟祀

天以青金石為飾祀

地珠用蜜珀

朝日用珊瑚

夕月用綠松石吉服朝珠珍寶隨所御綠皆明黃色

皇帝朝帶

色皆用明黃一用龍文金圓版四飾紅寶石或藍寶石及綠松石每具銜東珠五圍珍珠二十左右佩盼淺藍及白各一下廣而銳中約鏤金圓結飾

寶如版圍珠各三十佩囊文繡燧觿刀削結佩惟  
宜絳皆明黃色大典禮御之一用龍文金方版四  
其飾祀

天用青金石祀

地用黃玉

朝日用珊瑚

夕月用白玉每具銜東珠五佩盼及絳惟祀

天用純青餘如圓版朝帶之制中約圓結如版飾銜東珠

各四佩囊純石青左觿右削並從版色

皇帝吉服帶

色用明黃鏤金版四方圓惟便銜以珠玉雜寶各從其宜左右佩帨純白下直而齊中約金結如版

飾餘俱如朝帶

常服帶同

皇太子朝冠

謹遵  
禮器圖式

登載  
皇朝

冬用薰貂黑狐惟其時上綴朱緯頂金龍三層飾東珠十三上銜大東珠一夏織玉草或藤絲竹絲

為之緣石青片金二層裏用紅片金或紅紗上綴  
朱緯前綴金佛飾東珠十三後綴舍利飾東珠六  
頂制同

皇太子吉服冠

皇子同

冬用海龍薰貂紫貂惟其時上綴朱緯紅絨結頂  
夏織玉草或藤絲竹絲為之紅紗綢裏石青片金  
緣上綴朱緯頂制同

皇太子端罩



黑狐為之杏黃緞裏左右垂帶各二下廣而銳色與裏同

皇太子龍褂

皇子同

色用石青繡五爪正面金龍四團兩肩前後各一間以五色雲棉袷紗裏惟其時

皇太子朝服

色用杏黃紗裏單袷惟其時披領及袖俱石青片金緣冬加海龍緣繡文兩肩前後正龍各一要惟

行龍五袷正龍一襞積前後團龍各七裳正龍二  
行龍四披領行龍二袖端正龍各一間以五色雲  
下幅八寶平水十一月朔至上元披領及裳俱表  
以紫貂袖端薰貂繡文兩肩前後正龍各一襞積  
行龍六間以五色雲

皇太子龍袍

色用杏黃棉袷紗裘惟其時領袖俱石青片金緣  
繡文金龍九間以五色雲領前後正龍各一左右及

交襟處行龍各一袖端正龍各一下幅八寶立水  
裾左右開

皇太子朝珠

絛用明黃色珊瑚綠松石青金石隨所用珍寶雜  
飾惟宜

皇太子朝帶

色用明黃金圓版四飾青金石每具銜東珠五左  
右佩盼淺藍及白各一下廣而銳結佩惟宜絛如

帶色

皇太子吉服帶

色用明黃金版四方圓惟便銜以雜寶惟宜左右  
佩盼純白下直而齊餘如朝帶

皇子朝冠

親王同

冬用薰貂青狐惟其時上綴朱緯

其制下達文武一品皆同後不

具詳頂金龍二層飾東珠十上銜紅寶石夏織玉草

或藤絲竹絲為之緣石青片金二層裏用紅片金

或紅紗上綴朱緯前綴舍林飾東珠五後綴金花  
飾東珠四頂制同

皇子端罩

紫貂為之金黃緞裏左右垂帶各二下廣而銳色  
與裏同

皇子朝服

色用金黃披領及袖俱石青片金緣冬加海龍緣  
繡文兩肩前後正龍各一要惟行龍四裳行龍八

披領行龍二袖端正龍各一下幅八寶平水

十一  
月朔

至土元之制與

皇太子同

皇子蟒袍

色用金黃片金緣繡文通九蟒裾左右開

制建宗  
室後不

具詳

皇子朝珠

親王世子  
郡王同

絛皆金黃色不得用東珠餘隨所用雜飾惟宜

皇子朝帶

親王  
同

色用金黃金銜玉方版四每具飾東珠四中飾貓

睛石一左右佩絛如帶色

皇子吉服帶

親王世子郡王同

色用金黃版飾惟宜佩絛如帶色

親王吉服冠

世子郡王貝勒同

冬用海龍薰貂紫貂惟其時夏織玉草或藤絲竹

絲為之紅紗綢裏石青片金緣上綴朱緯

其制下達庶官

皆同後不具詳

頂用紅寶石曾

賜紅絨結頂者亦得用之

親王端罩

下至貝子固倫額駙皆同

青狐為之月白緞裏曾

賜金黃色者亦得用之左右垂帶各二下廣而銳色與

裏同

親王補服

世子同

色用石青繡五爪金龍四團前後正龍兩肩行龍

親王朝服蟒袍

世子郡王同



藍及石青諸色隨所用曾

賜金黃者亦得用之

餘如皇子朝服蟒袍之制

世子朝冠

頂金龍二層飾東珠九上銜紅寶石夏朝冠前綴  
舍林飾東珠五後綴金花飾東珠四

世子朝帶

色用金黃金銜玉方版四每具飾東珠三左右佩

絲如帶色

凡宗室帶色皆如之覺羅用紅

郡王朝冠

頂金龍二層飾東珠八上銜紅寶石夏朝冠前綴  
舍林飾東珠四後綴金花飾東珠三

郡王補服

色用石青繡五爪行龍四團兩肩前後各一

郡王朝帶

色用金黃金銜玉方版四每具飾東珠二貓睛石  
一左右佩絛如帶色

貝勒朝冠

頂金龍二層飾東珠七上銜紅寶石夏朝冠前綴  
舍林飾東珠三後綴金花飾東珠二

貝勒補服

色用石青前後繡四爪正蟒各一團

貝勒朝服

下至輔國公和碩額駙皆同

色不得用金黃餘隨所用披領及袖俱石青片金  
緣冬加海龍緣繡文兩肩前後正蟒各一要惟行

蟒四裳行蟒八披領行蟒二袖端正蟒各一下幅  
八寶平水十一月朔至上元披領及裳俱表以紫  
貂袖端薰貂繡文兩肩前後正蟒各一襲積行蟒  
六間以五色雲

貝勒蟒袍

下至輔國公和碩額駙皆同

色不得用金黃餘隨所用片金緣繡文通九蟒皆  
四爪

貝勒朝珠

下至輔國公和碩額駙皆同

繚用石青色

餘如親王  
朝珠之制

貝勒朝帶

色用金黃金銜王方版四每具飾東珠二佩繚皆

石青色

貝勒吉服帶

下至宗室  
將軍同

色用金黃版飾惟宜繚皆石青色

貝子朝冠

同倫額  
駙同

頂金龍二層飾東珠六上銜紅寶石戴三眼孔雀

翎孔雀花翎有三眼雙眼單眼之分等威辨著凡遇恩賞者均准戴用夏朝冠前

綴舍林飾東珠二後綴金花飾東珠一

貝子吉服冠

頂用紅寶石戴三眼孔雀翎

貝子補服

固倫額對同

色用石青前後繡四爪行蟒各一團

貝子朝帶

色用黃金銜王方版四每具飾東珠一

固倫額駙吉服冠

頂用珊瑚戴三眼孔雀翎

乾隆五十二年遵  
旨照固倫額駙色布勝

巴爾珠爾之例  
戴紅寶石帽頂

固倫額駙朝帶

色用石青或藍金銜玉圓版四每具飾東珠一左

右佩絛皆石青色

固倫額駙吉服帶

和碩額  
駙同

色用石青或藍版飾及佩惟宜

鎮國公朝冠

和碩額駙同

頂金龍二層飾東珠五上銜紅寶石戴雙眼孔雀翎

夏朝冠前綴金林飾東珠一後綴金花飾綠松石一

鎮國公吉服冠

輔國公同

入八分公頂用紅寶石未入八分公用珊瑚俱戴

雙眼孔雀翎

鎮國公端罩

輔國公和碩額駙同

紫貂為之月白緞裏左右垂帶各二下廣而銳色



與裏同

鎮國公補服

輔國公和碩額駙同

色用石青前後繡四爪正蟒方補

鎮國公朝帶

輔國公同

方版每具飾貓睛石一

餘如貝子朝帶之制

輔國公朝冠

頂金龍二層飾東珠四

餘同鎮國公朝冠之制

和碩額駙吉服冠

頂用珊瑚戴雙眼孔雀翎

和碩額駙朝帶

方版每具飾貓睛石一

餘如固倫額駙朝帶之制

民公朝冠

頂鏤花金座中飾東珠四上銜紅寶石

民公吉服冠

侯伯子文武一品鎮國將軍郡主額駙皆同

頂用珊瑚

民公端罩

貂皮為之藍緞裏左右垂帶各二下廣而銳色與

裏同

侯以下文三品武二品及縣主額駙輔國將軍以上京堂翰林科道等官應服端罩者皆

如之

民公補服

侯伯同

色用石青前後繡四爪正蟒

民公朝服

藍及石青諸色隨所用披領及袖俱石青片金緣  
冬加海龍緣兩肩前後正蟒各一要惟行蟒四中

有襖積裳行蟒八十一月朔至上元披領及裳俱表以紫貂袖端薰貂兩肩前後正蟒各一襖積行蟒四皆四爪曾

賜五爪蟒緞者亦得用之

侯以下文三品武二品以上有職掌大臣及縣主額駙輔

國將軍以上一等侍衛皆服之

民公蟒袍

藍及石青諸色隨所用通繡九蟒皆四爪曾

賜五爪蟒緞者亦得用之

侯以下文武三品郡君額駙輔國將軍以上一等侍衛皆

之如

# 民公朝珠

珊瑚青金綠松蜜珀隨所用雜飾惟宜綠用石青

色

侯以下文五品武四品以上及京堂翰林科道侍衛禮部國子監太常寺光祿寺鴻臚寺等官

凡在

壇

廟執事及

殿陛侍儀應用朝珠者皆如之

# 民公朝帶

色用石青或藍鏤金銜玉圓版四每具飾貓睛石

一佩盼下廣而銳

帶色下達庶官皆同後不具詳

民公吉服帶

色用石青或藍佩紙下直而齊版飾及佩惟宜

下連

庶官俱如之

侯朝冠

頂鏤花金座中飾東珠三上銜紅寶石

侯朝帶

郡主額駙同

鏤金銜玉圓版四每具飾綠松石一

伯朝冠

頂鏤花金座中飾東珠二上銜紅寶石

伯朝帶

鏤金銜玉圓版四每具飾紅寶石一

一品官朝冠

鎮國將軍郡主  
額駙子皆同

頂鏤花金座中飾東珠一上銜紅寶石

一品官補服

色用石青文職繡鶴惟都御史繡獬豸武職皆繡

麒麟

一品官朝帶

子同

色用石青或藍鏤金銜玉方版四每具飾紅寶石

一

鎮國將軍補服

郡主額駙子並同

色用石青前後繡麒麟

鎮國將軍朝帶

色用金黃

餘如一品官朝帶之制

二品官朝冠

輔國將軍縣主額駙男爵同



冬用薰貂貂尾惟其時頂鏤花金座中飾小紅寶

石一上銜鏤花珊瑚

二品吉服冠

輔國將軍縣主  
額對男皆同

頂鏤花珊瑚

二品官補服

色用石青文職繡錦雞武職繡獅

二品官朝帶

縣主額對  
男並同

鏤金圓版四每具飾紅寶石一

輔國將軍補服

縣主額對男並同

色用石青前後繡獅

輔國將軍朝帶

色用金黃

餘同二品官朝帶之制

三品官朝冠

冬用薰貂及貂尾惟時

武職專用薰貂

頂鏤花金座中飾

小紅寶石上銜藍寶石

三品官吉服冠

奉國將軍郡君額對時同

頂用藍寶石

三品官補服

色用石青文職繡孔雀惟副都御史及按察使繡  
獬豸武職皆繡豹

三品官朝帶

郡君顯  
一等侍衛皆同

鍤花金圓版四

奉國將軍朝冠

郡君顯  
駙同

冬用薰貂

具制下達未  
入流皆同

頂鍤花金座中飾小紅寶

石一上銜藍寶石

奉國將軍補服

郡君額對一等侍衛皆同

色用石青前後繡豹

奉國將軍朝服

文四品武三品四品郡君額對縣君額對奉恩將軍一等侍衛皆同

藍及石青諸色隨所用披領及袖俱石青片金緣

冬加海龍緣兩肩前後正蟒各一要惟行蟒四中

有襖積裳行蟒八

奉國將軍朝帶

色用金黃鏤花金圓版四

一等侍衛朝冠

頂如三品官朝冠戴孔雀翎

一等侍衛吉服冠

頂如三品官吉服冠戴孔雀翎

一等侍衛端罩

猞猁獬為之間以貂皮月白緞裏左右垂帶各二  
下廣而銳色與裏同

四品官朝冠

奉恩將軍  
君額對時同

頂鏤花金座中飾藍寶石一上銜青金石

四品官吉服冠

奉恩將軍  
君額對時同

頂用青金石

四品官補服

色用石青文職繡雁武職繡虎

四品官蟒袍

緞紗隨時藍及石青諸色隨所用通繡八蟒皆四

爪

文武五六品官奉恩將軍及縣君額駙二等侍衛以下皆服之

四品官朝帶

銀銜鏤花金圓版四

奉恩將軍補服

縣君額駙同

色用石青前後繡虎

奉恩將軍朝帶

色用金黃銀銜鏤花金圓版四

縣君額駙朝帶

鄉君額駙同

鍍金方鐵版四

二等侍衛朝冠

頂如四品官朝冠戴孔雀翎

二等侍衛吉服冠

頂如四品官吉服冠戴孔雀翎

二等侍衛端罩

紅豹皮為之素紅緞裏左右垂帶各二下廣而銳

色與裏同



二等待衛朝服

色用石青通身雲緞前後方襴行蟒各一要惟行蟒四中有襖積領袖俱石青粧緞冬夏皆用之

五品官朝冠

鄉君額駙同

頂上銜水晶

餘同四品官之制

五品官吉服冠

鄉君額駙同

頂用水晶

五品官補服

色用石青文職繡白鵬惟監察御史繡獬豸武職繡熊

五品官朝服

色用石青通身雲緞片金緣前後方襴行蟒各一中有襖積領袖皆石青粧緞冬夏皆用之

文武六品官

及鄉君額駙並同

五品官朝帶

三等侍衛同

銀銜素金圓版四

鄉君額駙補服

三等侍衛同

色用石青前後繡熊

三等侍衛朝冠

頂如五品官朝冠戴孔雀翎

三等侍衛吉服冠

頂如五品官吉服冠戴孔雀翎

三等侍衛端罩

藍翎侍衛同

黃狐皮為之月白緞裏左右垂帶各二下廣而銳

色與裏同

三等侍衛朝服

藍翎侍衛同

制同五品官朝服剪絨緣

六品官朝冠

頂上銜碑礮

餘同五品官之制

六品官吉服冠

頂用碑礮

六品官補服

色用石青文職繡鷺鸞武職繡彪

藍翎侍衛與武職同

六品官朝帶

銀銜玳瑁圓版四

藍翎侍衛朝冠

頂如六品官朝冠戴藍翎

藍翎侍衛吉服冠

頂如六品官吉服冠戴藍翎

七品官朝冠

頂鏤花金座中飾小水晶一上銜素金

七品官吉服冠

進士同

頂用素金

七品官補服

色用石青文職繡鵲鵲武職繡犀牛

七品官朝帶

素銀圓版四

七品官蟒袍

八品九品未入流同

緞紗隨時藍及石青諸色隨所用繡五珠皆四爪

八品官朝冠

頂鏤花金座上銜花金

八品官吉服冠

頂用花金

八品官補服

色用石青文職繡鵠鷄武職繡犀牛

八品官朝服

九品未入流同

色用石青雲緞無蟒領袖俱青倭緞中有襞積冬  
夏皆用之

八品官朝帶

舉人貢生監生公服帶同

銀銜明羊角圓版四

九品官朝冠

未入流同

頂鏤花金座上銜花銀

九品官吉服冠

未入流同

頂用花銀



九品官補服

色用石青文職繡練雀

未入流同

武職繡海馬

九品官朝帶

未入流同生員公服帶亦同

銀銜烏角圓版四

進士朝冠

頂鏤花金座上銜金三枝九葉

舉人公服冠

貢生監生皆同

頂鏤花銀座上銜金雀

舉人吉服冠

頂銀座上銜素金

舉人公服袍

貢生監生皆同

青紬為之藍緣披領及袍飾

貢生吉服冠

頂銀座上銜花金

監生吉服冠

貢生同

頂用素銀

生員公服冠

頂鏤花銀座上銜銀雀

生員公服袍

藍綢為之青緣披領如袍飾

祭祀舞生冠

冬以騷鼠為之頂鏤花銅座中飾方銅鏤葵花文  
舞生上銜銅三角如火珠形武舞生上銜銅三棱  
如古戟形

祭祀舞生袍

以綢為之

其色用黑

南郊用石青

祈穀壇社稷壇

北郊

太廟

朝日壇

帝王廟

文廟

先農壇

太歲壇俱用紅

夕月壇用月白

文舞生前後方欄銷金葵花武舞生通銷金葵花

祭祀舞生帶

祭祀執事人同

綠綢為之

祭祀執事人袍

以綢為之

其色用黑不加緣

南郊用石青

太廟

文廟

北郊

先農壇 太歲壇俱用青色藍緣 祈穀壇 社稷壇 朝日壇 帝王廟俱用青

色石青緣 夕月壇用青色月白緣

### 樂部樂生冠

冬以騷鼠為之頂鏤花銅座上植明黃翎

### 樂部樂生袍

紅緞為之丹陛大樂諸部樂生通織小團葵花中

和韶樂部樂生執戲竹人前後方欄繡黃鸝

### 樂部樂生帶

綠雲緞為之

鹵簿與士冠

冬以豹皮或黑氊為之頂鏤花銅座上植明黃翎

鹵簿與士袍

校尉同

紅緞為之道織小團葵花

鹵簿與士帶

校尉同

綠綢為之

鹵簿護軍袍

石青緞為之通織金壽字片金緣領及袖端俱織金葵花

鹵簿校尉冠

冬以黑氊為之平簷頂素銅座上植明黃翎

從耕農官冠

青絨為之

頂同八品

從耕農官補服

色用石青前後繡彩雲捧日

從耕農官袍

青絹為之上加披領要為襞積如朝袍而不加緣

月白絹裏

雨冠雨衣

附

皇帝雨冠

色用明黃氈及羽緞為之月白緞裏或油紬為之  
不加裏帶用藍布冬制頂崇而前簷深夏制頂平  
而前簷敞遇雨雪則加於冠上



皇帝雨衣

色用明黃氈及羽緞為之月白緞裏領及紐約時  
如衣色或油紬為之不加裏領及紐約皆青色其  
制如常服褂而長與袍稱自襠以下加博馬上襲  
重衣領下為襖積無袖斜幅相比上斂下遞豐兩  
重均加掩襟或如常服袍而袖端平外加袍袖前  
施掩襠領用羽緞或如常服褂加羽緞領長與坐  
齊前施掩襠各隨所用

皇帝雨裳

色用明黃油紬為之不加裏左右幅相交上斂下  
遞博上前加淺帷為襃積兩旁綴以紐約青色或  
前為完幅不加淺帷腰皆為橫幅用石青布兩末  
削為帶以繫之

皇太子雨冠

色用紅氈及羽紗油紬惟其時藍布帶

皇子至  
宗室公民

公侯伯子男一品至三品文武官

乾清門侍衛 上書房翰林 南書房翰林 奏

御前侍衛

事處此本處行  
走人員皆用之

### 皇太子雨衣

色用紅制如常服袍而袖端平或如常服褂而加  
領長與坐齊皆前施掩襠襠及羽紗油紬惟其時

文武官

皇子至宗室公侯伯子一品以上  
御前侍衛各省巡撫皆服之

### 皇太子雨裳

色用紅前為完幅襠及羽紗油紬惟其時腰為橫

幅用石青布

裳制下通  
同雨衣

二品官雨衣

色用青制如常服袍而袖端平或如常服褂而加領長與坐齊皆前施掩襠襠及羽紗油紬惟其時

二品以下文武官  
下至軍民皆服之

二品官雨裳

色用青前為完幅襠及羽紗油紬惟其時腰為橫

幅用石青布

裳制下達  
同雨衣

四品官雨冠

色用紅前加緣二寸五分後五寸青色纒及羽紗

油紬惟其時藍布帶

四品至六品文武官皆用之

七品官雨冠

色用青前加緣二寸五分後五寸紅色纒及羽紗

油紬惟其時藍布帶

七品至九品文武官凡有頂帶人員以上皆用之

軍民雨冠

色用青纒及羽紗油紬惟其時藍布帶

行營冠服

附

皇帝行冠

冬以黑狐秋以黑羊皮或以青絨如常服冠之制  
夏織藤絲或竹絲為之紅紗裏緣如其色上綴雨  
纓頂及梁皆黃色前綴珠一

皇帝行褂

色用石青長與坐齊袖長及肘棉袷紗裏惟其時  
皇帝行袍

制如常服袍長減十之一右裾短一尺色及花文

隨所御棉袷紗裘惟其時

皇帝行帶

色用明黃左右佩繫以紅香牛皮為之飾金花文  
鍍銀鏤各三佩盼以高麗布視常服帶盼微潤而  
短中約以香牛皮束綴銀花文佩囊明黃圓絛飾  
珊瑚結削燧雜佩惟宜

皇帝行裳

色隨所用左右各一前平後中豐上下斂並屬橫

幅氈衿惟時冬用鹿皮或黑狐為表橫幅則以石青布為之

親王以下行冠

冬如吉服冠之制氈貂各惟其時夏織玉草或藤

絲為之上綴雨纓

其制下達庶官

翎頂各從其所得用

親王以下行褂

色用石青長與坐齊袖長及肘棉衿紗裏惟時

其制

下達庶官



親王以下行袍

制如常服袍長減十之一右裾短一尺色隨所用

棉袷紗裏帷時

其制下  
達庶官

親王以下行帶

佩帨素布視常服帶帨微潤而短版飾帷宜繚昏

圓結

其制下  
達庶官

帶色金黃石青各從其所得用

親王以下行裳

蓋及諸色隨所用左右各一前平後中豐上下斂

並屬橫幅氊衿惟時冬以皮為表

其制下達庶官

領侍衛大臣行褂

色用明黃

凡諸臣之曾賜黃褂者皆服之

八旗副都統行褂

正黃旗色用金黃正白旗正紅旗正藍旗各如旗

色鑲黃旗鑲白旗鑲藍旗紅綠鑲紅旗白綠

前鋒參領

護軍參領火器營官皆服之

豹尾班侍衛行褂

色用明黃左右及肩前施雙帶以結之

健銳營前鋒叅領行褂

色用明黃藍緣

健銳營兵行褂

色用藍明黃緣

虎槍營總統總領行褂

色用金黃領左右端青緣直下至前裾

虎槍營槍長行褂

色用紅領左右端青緣直下至前裾

虎槍營兵行褂

色用白領左右端青緣直下至前裾

火器營兵行褂

色用藍白緣

皇朝通志卷五十八